

桐廬縣志

第一冊

地 240.31

34

冊 = 1 × 12

桐廬縣志序

憶昔士進幼時隨侍先太夫人官於
閩之福安道由桐江目得縱覽桐
江之山川名勝愛其千巖競秀萬
壑爭流烟雲飄渺絕去凡近先夫
夫步遊錦峯繡嶺桐山釣渚諸古
蹟流連竟日不忍遽去進余小子而
勗之曰此范文正公出守之地也文

桐廬縣志

序

正先憂後樂之學政事見於當時
功業垂於史冊而被澤之宦先者
莫如桐江之民異日汝等得沾一命
當以先憂後樂自期不可不以此
加勉也士進拜而謹識之不敢忘戊
辰之歲蒙

聖恩簡畀忝儀曹出守睦郡桐廬固
睦之屬邑也泛掉錢江首經是邑見

其人物輻湊轂擊肩摩知此邦之人沐浴

聖天子之德洋恩溥泱髓淪肌生聚教
訓既富方穀傲然浙東一大都會
也夫一邑事蹟備載志乘獨恠桐
廬縣志自康熙二十二年編輯以後
至今七十餘載毫無記述將見學
校典禮食貨賦役土產風俗人物

桐廬縣志

吳序二

藝文日就湮沒落。晨星豈非有
土者之責乎維時邑令侯官吳君
慨然以纂輯為己任熱膏繼晷晝
夜編摩未及成書遽以憂去繼之
者署事滇南嚴君陽曲王君悉心編
次不遺餘力署事長洲蔣君如皋沈
君鳩工授梓克歲厥事廣文錢塘金
君廣稽博攷証據精詳縷析條分美

煩就簡於編纂之事尤著賢勞迄今取而讀之凡學校典禮食貨賦役土產風俗人物藝文斟酌損益歸於至善彙為成書燦然明備諸君子討論修飾之功豈可沒其實乎事竣而請序於余憶士進幼年經過桐江先大夫勗以文正公之言書紳不忘豈意四十年之後得沾一命所

守之郡即文正所治之郡庶幾可以追步後塵而予先憂後樂之言不能彷彿萬一每展讀志書至文正瀟灑桐廬烏龍山霽之詩未嘗不低徊吟諷慨然增歎深愧高山仰止之無從也是為序

乾隆二十一年歲次丙子

誥授中憲大夫淞江嚴州府知府紀錄九
次大興吳士進撰

重修桐廬縣志序

癸酉秋余忝與浙闈同考官校文初竣蒙
憲檄署桐廬篆下車伊始簿書期會日以撫
字爲亟乃歲逢荒歉追呼之隸不忍下於鄉
鞭朴之刑不忍觸於目求所以裕

國便民者惟期勸導而訓迪之及凡百粗定
始進耆老而問之曰此地有文人逸彥嘯歌
自適而名著藝林者乎則以唐三章宋徐舫

桐廬縣志

嚴序一

爲應此地有忠臣義士畱芬青簡者乎則以
宋謝翱爲應此地有不事王侯高尙其志足
以維風勵俗者乎則以漢子陵公爲應余瞿
然曰昔賢風教之地斯民觀感之所由也余
不敏承乏茲土其何以化導前令紫林吳公
告余曰君有志於化民成俗或者其在修志
以動之乎况今 各上憲體

聖天子右文至意莫不以文教爲先 郡守書

登吳公以淵博之宏才揮燕許之巨手政事之暇取六邑志乘勒爲和平康樂之書君於桐志曷亦舉而纂輯之未始不有裨於政教余曰邑志之不修久矣自康熙癸亥邑侯董君修後靡有舉而新之者洎今世遠事湮稽查失實則甚慮修之之難然又不敢謝不敏也於是借廣文可亭金公集邑中老成碩彥才望名流分類別目採訪編次彙爲成書然

桐廬縣志

嚴序二

又慮討論修飾之未詳復延余薦拔士錢塘柴杰烏程閔斌同考訂而斟酌之則缺者益詳蕪者益潔規模益燦焉可觀將以問諸剡劉氏未幾同年謙光王君來接任余旣謝縣事以去手一編爲贈姑息其擔於新令尹焉顧余思古來志乘之作昉於周官內史上以脩翰軒之採下以代木鐸之徇使人觀感而興起者莫大乎是則珥筆其間政非徒揚芳

摘藻豔一時之耳目已也余滇人也遠在彩雲萬里外少嘗慕家子陵公清風峻節高不可攀讀其書輒想見其人今則親蒞茲土得以徘徊於羊裘垂釣之鄉登眺於二臺風雨之勝曠然悠然徬徨神往士人之所以垂名奕禩者洵不徒在軒冕之榮鼎鐘之奉也孟子曰士何事尙志蓋人固有曠百世而相感者而況生於斯土者沐浴于

桐廬縣志

嚴序三

聖化之休明景仰于昔賢之高節也歟余雖未得目覩其成而經始况瘁與有微勞焉故援筆而爲之序乾隆十九年歲次甲戌署桐廬縣知縣癸酉科浙闈同考官加三級嚴正身
誤

重修桐廬縣志序

修志古制也亦盛典也今

天下一統開拓八荒山川名勝無不載入版圖
猗歟休哉漢唐以來莫之或京已桐溪爲浙
東名邑凡建制分野風土人物之類先我而
詳言之數矣而余所心慕不忘者在富春一
山崇岡疊巘自天目東來蜿蜿壇壇融結凝
聚渟瀦秀液故自漢迄今賢達勝士後先輝
桐廬縣志
王序一
映宇內譚名勝者輒艷稱之則夫傳勝事於
錦峯探竒踪於繡嶺此亦徵文考獻者所必
及也余世居晉地自古稱西北多山太行恒
岳之名甲天下焉向嘗俯仰低徊於其際幾
謂天下名山不是過矣夫又烏知睦州之屬
有此瀟洒之致哉甲戌春余奉

命來宰是邑適邑有修志之舉膺其任者係前
任高峯巖先生承太守之命而爲之創其始

者也先生以淹雅之才博採舊聞搜羅掌故
條次詳整編叙醇雅一披覽而斯邑之建置
分野風土人物之煩櫛比鱗次無美勿收有
非舊志所可比絜者乃事未竣而高峯適遷
嘉禾別駕俾余爲之踵其事余自愧不文方
慮無以展承其萬一而又不忍諉爲異人任
爰卽高峯遺本間爲斟酌就緒嗣值本學廣
文竹泉金先生公車旋轅又以八斗五車之
富爲之修飾潤色更覺毫髮無遺憾焉乃命
剞劂以垂永久俾後之人知茲邑之勝班班
可考豈不盛哉余因之有所感矣

相廬縣志

五序二

國家幅幘廣闊包容無外西北夙稱秦晉東
南更推吳越桐邑隸睦州襟江帶河控吳越
之上遊而富春山實在治內秀麗竒絕詎爲
郡邑最實爲通省最夫固與太行恒岳爭雄
長於天下矣余公餘稍暇拜謁 子陵巖先

生祠後亦嘗俯仰低徊於其際第見陰澗日
淡樹漏雲飛鳥鳴啾啾人聲寂寂颯颯然風
雨波濤落人襟袖儼置身於雲巖深處爰以
愧當日之所見未廣而幸此日之遐覽靡遺
也至若建置分野風土人物之煩具在簡冊
余不復贅

時

乾隆歲在乙亥仲冬穀旦晉陽王德讓謙光

桐廬縣志

王序三

氏書於桐江官署



修桐廬縣志叙

余於乙亥仲冬奉委署桐事，桐志成已開局，鏤板。余同年友竹泉金君爲桐司鐸，實董其役。出新志屬余序，余維事有會，逢其適，不敢以不文辭。夫桐志自康熙二十二年以後，書缺有間，自癸酉夏月奉郡太守吳公力，厥初始時，官茲土者，歷吳君紫林、嚴君高峯、王君謙光三賢之手，而余來適，告成。吳君則有志未逮，旋以憂去。嚴君則僅輯七十餘年之

桐廬縣志

序

蔣序一

近事上諸太守公王君，則合新舊志彙纂之，而劬勩其事，終始無間，以相與有成者，竹泉之力居多。余公餘稍暇，取新定本與舊志考同異，別是非，規樞宏，大類非沿襲者之所爲。舊志門類僅四，偏而不舉。今列爲志，凡十曰：方輿、曰營建、曰學校、曰典禮、曰食貨、曰官師、曰選舉、曰人物、曰藝文、曰襍志、義簡而該。

治事覈而精詳中間縷晰條分繩愆糾繆歷
歷燎如指掌視舊志可爲盡美而又盡善矣
其楮墨剖劂之資絲毫不勞公府有士者徐
致緒等歡躍樂輸當令勒珉以紀績茲不具
贅余惟畧序夫修志之始與修志之成以志
余之厚幸也夫時乾隆二十有一年歲次丙
子仲春穀旦署桐廬縣知縣吳門蔣大烈撰

重修桐廬縣志序

古者列國皆有史史者紀事之書也自列國變爲郡縣因而有圖志山川風土人物與夫一名一類莫不覲縷而詳載之使輶軒者按籍可攷是志與史異名而同實者也故名賢蒞止必取圖志而閱之識者以爲知所先務今年四月恭膺

簡命來治茲土邑有舊志余旣取而閱之厥後

桐廬縣志

沈序

廣文金君屬余曰桐廬志自康熙二十二年重修後七十餘年于茲矣前年奉

憲檄修閱數寒暑某與有力焉迄今雖付剞劂氏而工未完藁具在君來可無一言爲序乎余乃于簿書鞅掌之餘復取定本相校勘見其卷帙釐然門類各當余雖不敏獲襄成事而因以序之夫攷覈精詳繩愆訂繆者學人之事也大書特書舉善懲惡者士君子之

責也古人之所以爲此者豈徒矜博覽騫閱肆而已哉必使書得其實事關于世而後斯志之興不爲徒設今取其書而繹之覽方與知山川之洵美考營建知締造之維艱觀學校識

聖世之崇儒而重道稽典禮知

國家之治民而事神官師有志而治行之可書者幾人食貨有志而版籍之可稽者具在

桐廬縣志

沈序

二

選舉則興廉察孝論世可以知人人物則節義忠良廉頑亦且立懦至于江山之麗藻蔚爲文苑之英華尤足以感發性情而陶鎔德器則斯志也固不僅辨譌証誤要當與

聖天子磨世勵俗之旨相表裏發明庶幾乎今之志卽古之史也余應金君之請因書其大概如此若夫續修之本末鳩工之月日余友蔣君序之詳矣不具綴

乾隆二十一年歲次丙子十月穀旦知桐廬
縣事雉臯沈全達撰

桐廬縣志

沈序

三

重修桐廬縣志序

桐志自康熙癸亥邑令童公纂修後迄今七十餘年書缺有間余於乾隆癸酉之春秉鐸茲土卽展童志讀之其體例悉仿從前章楓山先生蘭谿志義簡而該事詳且覈可謂善矣是歲奉 郡守吳公檄取康熙二十二年以後事纂輯郡志維時邑侯則侯官吳君紫林與歲事而以憂去余方欲與邑中名流考

桐廬縣志

金序一

訂文獻會又赴禮部試適滇南嚴君高峯來署縣事府司訓項君遂安司訓蔡君來署學事嚴蔡二公偕老成宿學之士各採輯一編以獻于 太守數十年來近事旣詳且脩謀欲叅合新舊勒爲成書未舉行而太原王公來蒞任余亦報罷南歸山城清暇緣取嚴蔡諸君所訂互相叅酌縷晰條分去其蕪蔓衷諸大雅晨書暝寫閱四月而藁粗定其中別